



OIARTZUNGO
UDALA

AUZO BILERAK 2023

AUZO: ERGOIEN

Data	Hasiera ordua	Bukaera ordua
2024/10/2	19:02	21:10

BILDUTAKOAK:

Udal ordezkariak:	Jon Albisu, Agustin Lekuona, Joana Mendiburu, Oihana Irastorza, Aiako Harria Gaztelumendi			
Herritarrak:	Euskaraz: 14		Elebitan: 0	
	Emakumezkoak: 7		Gizonezkoak: 7	
	<30 urte:	31-50 urte:	51-65 urte:	>66 urte:
	1	2	7	4

AKTA:

Gaia	Ekarpena eta iruzkinak
Aurkezpena	Batzarlean zehar landuko den gai zerrenda azaldu da.
Legealdirako proiektuak	<p>Lan ildo nagusi edo estrategikoen berri eman dugu</p> <p>ABIAPUNTUA</p> <ol style="list-style-type: none">1) Aurreko legealdietatik jaso duguna oso baikorra izan da, eta horrek lagundu egiten du: herriak udalean duen konfiantza, zorrik gabeko udala izatea, talde polita sortu dugu, teknikariek zinegotzietatik izan duten harrera oso ona izan da. Proiektuen aldetik ez gara zerotik hasi, aurreko taldeak egindako lanaren jarraipena egingo dugu.2) Herritarrekin lan egiteko formula berriak bilatu behar ditugu, abiapuntua auzolana izango litzateke, UDALGINTZA HERRIGILEA, arriskuak aukera bihurtzeko udal politika. Herritarrak dira protagonista, udalak baliabideak jartzen ditu, baina ondoren sektore ekonomiko bat egon behar da bultzada emango diona.3) Hauteskundeak irabazi ditugu, eta programan hitz emandakoa bete egin behar dugu.



OIARTZUNGO
UDALA

- 4) Krisi egoera orokor batean gaude, baina horren aurrean Oiartzundik bertatik egoerari buelta ematen hasi beharko genuke

LEGEALDI PLANA

3 lan-lerrotan banatuta dago: herritarrak (ongizatea, kultura, euskara, ongizatea...), lurraldea (lurraren zein herriaren antolaketa) et a antolaketa (udaletxearen funtzionamendua eta zein giza-baliabide dituen)

LAN ILDO ESTRATEGIKOAK

- 1) ELIKADURA BURUJABETZA: gaur egun, udalak laguntzen dituen hainbat egitasmu daude martxan. Udalak hasierako bultzada eman die elkarte hauei, eta ondoren beren bidea egin dute. Herriko lurrak erosten jarraituko dugu 1.sektorea bultzatzeko, herriko sukaldeak hornitu nahi ditugu herrian bertan ekoizitako jakiekin (herriko ikastetxeak, zahar etxea...). Herrian badaude ekimen ugari beren kabuz proiektuak bultzatzen ari direnak, baina ez dute foro komunik elkarlanean aritzeko.
- 2) ENERGIA BURUJABETZA: sortu berri da Argitturri kooperatiba (hiruki horren parte den zutabe sozioekonomikoa). Udal mailan zein herri mailan neurriak hartu behar dira klima aldaketa dela-eta.
- 3) MUGIKORTASUN JASANGARRIA: herrian ohiturak aldatzen hasi behar dugu. Bizikletak lehenesteko plana egiteko asmoa dago (aparkalekuak...). Beste asmo bat da Arraguan intermodala eskatzea, oiartzuarrok aukera izan dezagun Euskal Herriko hainbat lekutara joateko: Gasteiz, Bilbo, Iruñea...
- 4) OSASUNA ETA ZAINITZA: Zaintzadi programaren inguruan hitz egin dugu, bakardade ez hautatuan dauden herritarrak laguntzeko egitasmoa da. 22 herritarrek eman dute dagoeneko izena ekimen honetan. Zaintzadiren ideia da udalak laguntzea, baina herritarren sare baten laguntzarekin batera. Zaintza askotan osasun arazoak konpontzearekin lotuta egoten da, baina udalaren ardura da bizitza aktiboa sustatzea, bakardadeari laguntzeko modua ere baita horrelako ekimenak antolatzea.



OIARTZUNGO
UDALA

	<p>5) KULTURA EUSKARAZ: bizi ditugun garaiek euskalgintza hauspotzeko beharra erakusten dute (etorkinak, euskararen aurkako erasoak...). Landetxe dagoeneko eraiki dugu, eta orain kultura plana egiteko momentua da. Gazte sortzaile ugari dugu herrian. Irakurzaletasuna sustatzeko aukera berriak aztertuko ditugu. Ondarea balioan jarriko dugu, eta udalaren lokalak eskura jarriko ditugu herriko kultur-sorkuntza bultzatzeko.</p> <p>LEGE GINTZALDIAN MARTXAN DIREN ETXEBIZITZA SUSTAPENAK: Altzibar zein Iturriozko promozioen berri eman da. Elizaldeko Urkabe Baitako eremuaz hitz egin da. Babes ofizialekoetan interesa izanez gero, Etxebiden eman behar da izena, eta Altzibarreko tasatuetarako urriko plenoan irekiko da izena emateko epea.</p> <p>Udal etxebizitza bulegoaren inguruko informazioa eskaini da.</p> <p>Herritarrek Ormazabal inguruko eraikuntza proiektua zertan den galdetu dute</p> <p>UDAL ORDENANTZEN IGOERA: %1,5 igoko dira tasak. Udalak sekulako ahalegina egin du azken urteetan ez igotzeko. Hala eta guztiz ere, KPIa baino gutxiago igo dugu gure herrian, azken batean, oreka bilatu behar dugu kalitatezko zerbitzuak izateko.</p>
<p>2023ko aurrekontu aurreikuspena</p>	<p>AURREKONTUA</p> <p>Lan ildo eta erronka hauentzat 22.200.000 euro ditugu. Arloz arlo ondorengo izango da banaketa: Herritarren arloak %49, lurraldeak %36 eta antolaketak %15.</p> <p>Honakoak izango dira inbertsio nagusiak: mugikortasuna (bidegorri sarea, aparkaleku seguruak), energia (efizientzia energetikoan pausuak eman, energia berriztagarrien instalazioak), liburutegia birdiseinatu, herritarrentzako arreta gune bakarra jarri udalean, futbol zelai artifizial berria, udal eraikinen</p>



OIARTZUNGO
UDALA

	<p>mantenua, hirigintza (Urkabe baitako etxeak eta Altzibarko promozioa), kulturgintza (kultura plana landu eta Landetxe erreferente bihurtu), ongizatea (bazterkeria egoeran dauden pertsonentzako eguneko zentroa).</p>
Auzoa	<p>Aurreko legegintzaldian egindako lanen inguruan azalpenak eman dira</p> <ol style="list-style-type: none">1) Uztapide plazako kioskoa berritu da2) Burkondo bidea berritu dugu3) Tolare pareko aparkalekua konpondu da (eremu hau alokairuan dago, beraz, ezin da behin betiko aparkalekurik egin) <p>Auzotarrek herriko eraikitze plan orokorraren inguruan galdetu dute jakiteko zertan den.</p> <ol style="list-style-type: none">4) Markesinaren inguruko espaloia konpondu da <p>Hainbat eskaera egin ziren iaz, eta horietatik gehien aipatzen dena abiadurarena da. Jendea oso kezkatuta dago kontu honekin. Hainbat istripu egon direla aipatu dute auzotarrek.</p> <p>Kotxeek rallyak egiten dituzte Ergoingo errepideetan. Errepidea Aldundiaren eskumenekoa dela gogorarazi zuen Udalak. Hau hala izanik, jarraipena, isunak... Aldundiaren konpetentziakoak dira. Foru Aldundiari hainbat eskaera egin zaizkio, baina ez da ezer lortu. Abiadura panelak jarri dituzte, baina arazoa ez da konpondu. Udalaren aldetik radar pedagogikoa jarriko dela esan da. Intzidentzia erregistro bat egitea proposatu du auzotar batzuk. Elkarlana eskatu dute udalaren eta auzotarren artean arazo honi konponbidea emateko.</p> <p>Abiadura arazo nagusi izateak beste behar zein eskaera batzuk bigarren maila batean geratzea ekarri du, esaterako, frontoia arriskutsua da haurrentzat bidera zerbait joaten bazaie.</p> <p>Uztapide plazan, itxitura kenduta geratu zen jaien ondoren, eta ez da berriz jarri. Jende asko egoten da bertan eta kotxeekin sartzen dira. Aztertuko dela eta itxitura konponduko dela jakinarazi du udalak. Horrez gain, inguruko seinalitika indartuko dela ere aipatu du.</p>



OIARTZUNGO
UDALA

Uztapide plazatik bidegorrira dagoen bidean argirik jarri daitekeen galdetu dute. Udalak gaia aztertuko duela esan du, mugikortasunaren planaren barruan, bidegorrirako sarbideak sortzea eta erraztea da ekintzetako bat eta horren baitan sarbide hau egokitzea ongi ikusten du udalak.

Bidegorriko tuneletan argiak noraino egon beharko luketen galdetu dute. Gaur gaurkoz, lehenengo tuneleraino argiak daude jakinarazi du udalak. Hortik aurrera parketxeko zonaldean sartzen gara eta bertan argirik ez egotea hobetsi zen naturgunea errespetatze aldera eta argi kutsadura ekiditeko.

Bidegorrian bankuak jartzeko eskatu da, eta baita komuna ere. Interesagarritzat jo dira proposamenak eta aztertuko direla esan da.

Ergoiengo frontoian inbertsiorik egingo den galdetu dute. Azaldu zaie auzo guztietan eremu itxiak edukitzeko aukera aztertzen ari garela.

Gazteak auzoan geratzea nahi badugu etxebizitzaren inguruko ikerketa bat egitea proposatzen dute auzoek: norako joera dute auzoko gazteek... Plangintzaren arabera etxebizitzak egiteko aukera dagoela erantzun du udalak.

Iriberritik Sokolorako bidegorrirako lotura aztertzeke eskatu da. Mugikortasun planean kontutan hartzen da bidegorriaren zabalpen proiektua eta hor kokatuko genuke horrelako sarbideak aztertzea.

Auzotar batek galdetu du ea auzoari aurrekontuaren zein ehuneko eskainiko zaion. Urtero 40 000 euroko aurrekontua eskaintzen da auzoetako konponketak eta proiektuak burutzeko.

BALORAZIO ORRIA:

Hizlariak: bileran zehar emandako azalpenak	8,71
bilera ongi gidatu da	9,00
Bileran erabili den metodologiaren egokitasuna	8,83



OIARTZUNGO
UDALA

Auzotar kopurua	7,14
Auzotarren partehartzea (ekarpenak egiten)	8,57
Saioa probetxugarria izan al da?	8,71
Egunaren egokitasuna	8,57
Orduaren egokitasuna	8,71
Lekuaren egokitasuna	9,00